

Dunghlanz:

Denyingj Dinj Vahcuengh 《Mboujcaiq Cajdeq》 Aeundaej Cingzcik Ndei

Bi 2018 “Daek hengz lajmbwn • Gojgaeq denyingj dinj” ——Guengjsae saedguh sevei cuji gyacizgvanh cawjdae denyingj dinj soucomz langhyienj hozdung ndaej ciengj mingzdan geij ngoenz neix cingqsik okbuengj, 399 bouh denyingj camgya doxdax, 17 bouh ndaej ciengj, denyingj dinj Vahcuengh 《Mboujcaiq Cajdeq》Dunghlanz Yen gag ingjuh haenx ndaej sam daengj ciengj! Aen yingiben neix dwg sojmiz ndaej ciengj ndawde aen dog yungh vah bonjdieg loegguh, vih Vahcuengh vwnzva swncienz caeuq doigvangq guhdaengz le gaenxmaenx cozyungh.

(Hanz Cez/韩捷)

►Mbaw sienga ndaw heia bouh denvingi neix.



▲ Minzgingj fat cienz simndei hawj hagseng gungzhoj.

Ningzmingz:

Genjcazcan Henzguck Haeuj Bi Moq Camnai Vunzlai Gungzhoj

Bineix yenzdan, minzgingj Genjcazcan Henzguck Nananz Ningzmingz Yen bae ndaw diegguenj camnai vunzlai gungzhoj, lwggyax caeuq lwgnyez louzyouq. Gyoengqde daiq cienz simndei, cienz camnai, nohmou caeuq haeuxsan youzgnw daengj doxgaiq gonqlaeng camnai le hagseng gungzhoj Nananz Yangh Cunghsinh Siujyoz, vunzlai gungzhoj segih, lwggyax caeuq mbanj lwgnyez louzyouq, yiengq gyoengqde cienzoengq gij camndei bi moq minzgingj daengx can.

(Couh Yizganh/周贻刚 Cinz Cici/覃志志)

Yungzsuij:Ndaem Maenz Ndaej Vutgungz Baenzfouq

2017 nienz 3 nyied, Yungzsuij Myauzcuz Swciyen Yungzsuij Cin Dunghvaz Cunh Mbanjsanhdouz, 7 boux vunzdaiqdaeuz baenzfouq lajmbanj lienzhab laebbaenz Sanhdouz Nungzyez Conhyez Hozcozse, yungh aen vunqsik “hozcozse + gihdi + nungzhoh” hwngfat dajndaem maenz, guh faenjmaenz caeuq siugai, daiqlingx 12 aen ranzgungzhoj 70 lai vunz vutgungz baenzfouq. Seizneix, aen hozcozse neix miz gihdi dajndaem maenz 100 lai moux, ranzgungzhoj gag leihyungh gij reih bonjfaenh ndaem maenz. Moix bi ndaej siugai maenzndip 5 fanh gaen, ndaej souhaeuj 12 fanh maenz, moix ranz ndaej souhaeuj gaenh fanh maenz; siugai faenjmaenz 1 fanh lai gaen, moix ranz souhaeuj mauhgyaq fanh maenz.

(Liu Swjyenh/廖子渊)



▲Dak comz faenjmaenz.

Lozcwngz:Nungzminz Ciengx Nouhaet Baenzfouq



▲Diemjyawj nouhaek maj ndaej baenzlawz yiengh.

Lozcwngz Mulaujcuz Swciyen Cinz Sizgvangh, 2017 nienz daej roengznaganz 40 lai fanh maenz, guh le aen ciengz ciengx nouhaet ciemq dieg menciz 1500 bingzfanghmij he, cawx 700 doiq nouhaet guh cungj ma, laebbaenz le “Gvangjsih Lozcwngz Fukbaenzseiq Daegcungj Dajciengx Conhyez Hozcozse”.

2018 nienz de couh gai ndaej nouhaet guh cungj 2000 lai doiq, souhaeuj 60 lai fanh maenz. Nouhaet hung cujau gai hawj fanden bonjdieg caeuq Gvangjdungh daengj dieg.

(Veiz Yuzdai/韦如代)